

Schniba 1992

- 20 1. Ich sägs jetzt doch, ihr wüessed's scho, wies bi eus mues sii  
eues Jöbbli isch glaub klar, ihr händ ja d'Händ debii  
doch jetzt münd er d'Schnurre ha und d'Ohre füre näh  
und wär nöd wott dä müessti jetzt de Hinderusgang näh 1
- 20 2. Si gänd sich Mueh, si chrampfed wild, si reised alles a  
jetzt gopfertori huere siech, jetzt sötts denn öppe gah  
de Sturm isch da und s'Liecht isch wäg, all meined s'mües so sii  
s'isch wider mal de Schlusspunkt vo de Wädi-Rocknacht gsi 2
- 20 16. S'häd eine es Ideeli gha, das wär ja gar nöd schlächt  
en änderig im Parlament, s'isch ihm sis guete Recht  
mir händ studiert und ghirned, mir glaubed eso hauts  
e Gmeindsversammlig isch scho guet, doch besser ohni Schnauz 16
- 18 18. Verteile tuet si Süessgebäck, d'Frau Langedorf Alice  
doch ohalätz verrächned wirds, und Gsichter wärded wiis  
und bi däm Trick, so seit si üs, da lauft na mänge dri  
de neuu Kafiautomat seig au nöd gratis gsi 18
- Sp 4. Um d Wiehnachtsziit gahts kurlig zue, ich mues eu das verzele  
mit Chettesagi, Axt und Biel, verchnebled sich die Gselle  
si kämpfed um de schönschti Baum, bi Scheegestöber-Flocke  
die Tätscherei die findet statt, bim Hitze Ernst im Stocke 4
- 18 3. äs Fueeder Heu chunt s'Dörfli ab, bis jetzt lauft alles rund  
bim Schwane zue wirds zimmlig heiss, es Füürli isch de Grund  
das Heu wo brännt git warm ums Herz, sogar bi Füürwehr-Mane  
drum hänkede doch statt Fähne det e Sprinkleraalag ane 3
- Sp 14. Er stüred locker s'Dörfli uf und dänkt sich nüt debii  
und hinder ihm da dänkeds meh, das mues es Arschloch sii  
ich hätti da en neue Spruch für s Auto vo dem Luuser  
wänn's im Dorf chli glatt wotsch ha, de chauf doch s'Oel bim Huuser 14
- Sp 9. Häsch du mal kei Gäld im Sack und wotsch chli Füdli gseh  
Schöppe das der schwindlig wird, oder nachli meh  
die Show die gits i Wädischwil, es fäged der i Glänke  
lueged mal im Füürwehr-Huus i d'Garderobe-Schränk 9
19. De Skiclub macht im FC-Zält es Jubiläumsfäscht  
s'isch herrgotstärne huere nass, ich gange glaub is Näscht  
di meischte händ kein Schirm debii, es hudled uf de Beichle  
am Egli Jürg tuts zudem na uf s'Velo abeseiche 19
13. Z'vill Fendant, Fechy, Dole und Aigle, am Blocher passt das nöd  
Politiker müend nüechtern si, susch schnurred's nur na blöd  
das säb nöd stimmt bewiest er sälber, bis sim dumme motze  
wänd ihn au nüechtern g'hörsch Rede schwinge, muesch doch grad go  
chotze 13

8. D'Ravensburger Spielfabrik isch alli Sorge los  
s'neuschte Spieli isch en Knüller, de Verkauf dä lauft famos  
erfunde händs dä Ziitvertrieb z'Wädi bi Schnaps und Bier  
mir händ em de Name gäh, Irrfahrt dur s'Neudorfquartier 8
6. Ständig zue, scho wider wächsled de Wirt im Eisdlerhof  
au am letschte treue Stammgast isch das längschtens z'doof  
mer frögt sich scho, was soll dänn ächt de grossi Päch-  
tersverschleiss  
vill schläuer wär, mer bindet de Bsitzer grad näbed tra uf d'Gleis 6
5. Heja, heja Golden Girl, eso händs au mal g'sunge  
de nächshti Furz i Sache Bier, isch au scho dure drunge  
was usehunnt isch nöd vill meh, als stinkend brune Brei  
ich glaub ihr wüssed was jetzt chunnt, TSCHAU BRAUEREI 5
15. Dä Dirigant verzweifled, ab däne falsche Tön  
die Giige chrazt ja schuurig, s'isch würlkli nüme schön  
das seit sich au dä Cello, Schmiedstube-Wirt ganz blass  
mit ere junge Giige, macht s'musiziere vill meh spass 15
10. Es hätt mi eifach wunder gna, öb das würlklich stimmt  
was mer bim 156 alls eso vernimmt  
es häg si eine voller Luscht uf Polstergruppe gleit  
doch leider hätt bim Höhepunkt mis Hörgrätli verseit 10
7. ändlich gits rächt z'frässe, fertig mit Chörndlifueter  
Suppe, Wurscht und Filetfleisch, wie früener bi de Mueter  
s'Läbe isch wider läbenswert, fertig mit dem Gschleik  
er sötti ewig duure, de schwiizer Frauestreik 7
17. S'erschte mal bim Stossverkehr, da muesch a alles danke  
en Gummi mit de grobe Noppe, bringt Gfühl bim ineschwänke  
echli knifflig isch s'uf jede Fall, öbs füecht isch oder troche  
vo jetzt a wett ich all Tag dur, de Neubüel-Chreisel bloche 17
12. Ich stelle eu i grobe Züg, eusi NEAT vor  
vo Hamburg über Züri gaht's bis vor s Wädi-Tor  
Wiiräbe via Gasiplatz düemer s'Dorf durquäre  
drum Hammers äfang häregstellt, die schigge Bahnbarriäre 12
11. S'Rätsel um de erscht Tiroler isch immer nanig glöst  
wohär isch ächt das Chnochegstell, s'isch alls chli mysteriös  
doch mir händ da nöd lang g'studiert, ja so mues es sii  
s'isch eine vo de Stadtverwaltig, ~~det fauled s~~ au so vor sich hii 11

är flüht

1. Blass 20